

重修廣平府志卷十七

輿地略風俗 方言

士農工商

趙地薄人眾丈夫相聚遊戲悲歌慷慨邯鄲土廣俗雜

大率精急高氣執

前漢書地理志

清河武安等郡其俗頗同人性多樸厚務在農桑好尚儒學而傷於遲重俗重氣俠好結朋黨其相赴死生亦

出於仁義

隋書地理志

滏陽勤於營生儉於費用

圖經

燕趙古稱多感慨悲歌之士

唐韓昌黎集

貝州風俗與魏州同地近梁魯微重而矜節太平寰宇記

洺州邯鄲丈夫悲歌慷慨磁州風俗與洺州同同上

性緩尚儒仗氣任俠通典暨文獻通考案通考係統括太行山以東而言

河北路人性質厚少文多專經術大率氣勇尚義號為

強伎臨洺汲郡之地頗雜斥鹵宜於畜牧宋史地理志

人尚節儉地蕃物產方輿勝覽

風俗循美元王士熙善政數記

俗尚勤儉人性質直續圖經

廣平人性質直尚儉約勤稼穡明一統志

廣平畿南劇郡土厚俗純士重然諾先王之遺風猶有

存者

廣平府學記

永年舊尚奢侈信巫鬼今漸有古風男子務學力農敦

龐勤儉間有重氣俠尚奢澆者女子事紡績操井曰康熙

志永俗樸宦歸者以炫耀為恥少年衣飾鮮華眾指目

以為笑士人布袍徐行過市市人側臂讓之居無雕牆

曲檻賓筵無山海物然近亦稍侈

縣舊志申涵光永年風俗記云永雖附

郭然偏僻非輪蹄所會民皆土著耳目偏狹無壯觀豪舉驚其聞見故俗尚樸鄙所從來舊矣宦而歸者或不
能備字牝即饒囊橐亦外示儉素以炫耀為恥士循循
守繩尺布袍徒行市人側臂讓之所居無雕牆曲檻第
取完固賓筵無山海之錯正襟揖讓雖狎必以儀民務
稼穡無逐末之四方者早辦租賦尊上奉法或務夸毗
衣華組眾指目之以為笑大較然也在畿輔為易治故
歷水旱兵燹受禍獨淺時勢遷流漸為浮薄推厥所由

蓋亦有倡之而盛養之而成者如衣食居處之漸侈當率以儉詩書道喪習為澳恣利端日啟刁詐相尚當率以禮雖鄉士大夫之任尤在司風化者日留意焉

曲周務學力農純樸猶昔民多殷富近尚侈靡康熙志地

平土疏人僿而戇樸拙尚氣恥於下人縣舊志今按勤儉

似唐褊急似魏感慨似燕趙雖拙於謀生而羞言機巧

雖慳於任氣而恥於逢迎猶有古之遺意云縣新志

肥鄉俗尚勤儉士習詩書民務耕業康熙志其俗好義其

人甚果賈不遠行粟不久積舊志

雞澤男力耕稼女勤織紝士知向學康熙志耕耨罔怠刀

尺相聞勤儉幾與唐魏等縣志教諭賀家駿風俗記雞邑俗喜事神遇村有香火

會百里內星夜奔赴婦女有於神前閉目舞蹈擊鼓踏歌曰打善鼓俗呼其人為善友民間有疾病者邀至其家擊鐘磬焚楮幣奉香拜祝晝夜如狂此亦惡習之難挽者雞南地宜綿花花時輒數日一摘秋晚遺之以利寡婦盈陌連阡羣譁然相掇拾曰亂花一日閭花衣服尚樸自泰西布流行漸就紛華然用帛者猶罕飲食俗嗜耕牛市廛鬻鬻懸肉若林細民爭啖之蓋習俗使然莫或移易邇來濱河居民喜蒔罌粟重有所獲而食者且多殆利害乘除之故歟

廣平風俗雄勁矜氣節敦禮讓務本業多畜牧康熙志丈

夫相聚悲歌慷慨而頑鈍鄙吝好訟長姦者間亦有之

縣舊志

邯鄲民尚往來重然諾不受面詆其性激烈康熙志區宇

秀朗人物軒昂大家借以為姓如邯鄲瀋之類高人慕以為名

如李邯縣舊志賦傳散騎客號平原意氣文章俱可想見志

土狹而瘠邑敝而衝通志引

成安民俗勤儉士向知學康熙志民俗殷富人性澆悍舊志

以今觀之大都勤儉直率士讀書農巧拙居半商通齊

衛陶濮邇來人情日澆頽風漸長縣志

威縣風俗淳美務農力學康熙志衣冠禮儀爲鄰邑首稱

縣舊志

清河俗稱敦龐勤儉戶習詩書婚姻喪葬相爲救恤頗

近古風康熙志清河以平干尾邑僻處河濱壤接山東地

多斥鹵惟儉樸之習遠過鄰封清河舊志序今則士人雅習

禮讓顧猶多俠氣死生相赴有古慷慨之遺焉

縣志

磁州土濁人稀習尚敦厚雅重儒術頗有古風

舊志引元志

磁之爲郡民素敦愿良吏治之則必事集

盧明理濠陽記

土地

多沙礫磽薄而齊民知耕稅糧以時辦納道路雖云衝

劇重勞不厭

州志

冠婚喪祭

冠禮久廢明嘉靖間知府蔣以忠刊家禮四要行之士

大夫家偶具牲醴酬祖考鮮有舉三加之儀者

永年志

凡男子自十六至二十皆可冠將冠筮日筮賓戒賓至

期主人肅賓行三加禮各有祝辭祝畢進冠者兩字之

冠禮久廢然婚禮之中實寓古冠禮之意具衣冠習禮

儀童子當此儼然有成人風

同上

婚初男請媒二人具衣冠往謁女家投遞婚啟曰登門

亦曰換庚帖次婚家互招飲宴男先女後曰會親男家

以彩幣牲果鼓吹送女家曰聘定筵席

近多不用鼓吹俗日送書女答

男曰同書

逾日女家具巾服脯果

近多用靴帽衣料書硯筆墨文玩

鼓吹往

男家曰回禮瀕娶復行納采禮如前女家不復酬婚前

一日壻具醴果往女家曰通道路是日女家行過妝禮

亦有先期舉行者曰鋪牀詰辰盛張鼓樂親迎以長者

導之謂之領親男家遣婦女具吉服往催妝曰娶女客

女家遣送曰送女客

案此禮多不行惟磁州曲周間有之

新婦入門以姻

戚婦一人具婦飾冠簪加新婦笄曰上頭女家兄弟親

戚送至男家謂之送親次日壻以酒果行謝親禮三日

婦謁祠堂拜舅姑上女工女家具衣飾鼓樂導送男家

曰追三邀女眷往壻家曰餽飯迎女及壻歸宿婦家曰

回面亦曰回門九日亦如之娶後四時餽花幣脯果男

家交送曰追節婚必擇吉惟祀竈日至除夕不忌曰亂

歲

貧家有因喪事女來弔而遂留娶者曰孝扶有乳臭畜之者曰童養士大夫家皆不行此

舊志參縣志

喪者先用布帛送姻家報訃成服後開弔散孝三日內

姻戚餽食於喪側曰倒頭飯民間始喪未斂子婦並婦

女

城內婦女不押紙於外
晚間聚哭於死者之旁

薄暮沿街擗踊號哭在城至

城隍廟在村至土地廟曰押紙士紳家無之立告布於
門書死者職銜字諱生卒歲月柩前立銘旌門外懸紙
旛柩前設布幔置靈座男女在柩左右髣髴苦跣日三
奠七七日百日奠有加將葬書期於門親友具賻奠送
銘旌柩出楮旛鼓吹前導經親友門迎奠曰邀祭親友
送至城外或至墳墓請有爵者祀土題木主葬畢奉木
主鼓樂導歸至家虞祭姻家餽孝子孝婦以布帛曰收
頭次日孝子詣弔客大門親拜

居城外者不往

三日男女孝婦

省墓謂之圓墳焚紙錢盡哀而返葬不甚重風水無久

停不葬者士大夫家不用僧道作佛事

間有用俳優歌舞者名曰煖靈

亦曰煖扮士紳家無之幼婦死不令人墓寄厝塋後夫死後乃令合葬

舊志參縣志

祭禮士大夫家多奉先世神主於寢間有立家廟者或畫祖考像於軸懸之除夕元旦令節家家設供致祭歲時行墓祭禮寒食添土墓顛挂楮錢五月薦新麥謂之簡湯七月十五日獻麻谷十月一日製紙衣送墓間曰送寒衣亡者生辰忌日亦墓祭遇婚娶登科告祭於墓曰祭祖遇親友喪事送饅首麵果或用麵三五斤蒸如緯帽形者曰大飯加饌食雞魚肉等物曰全祭

案古無墓祭之文封植始於孔子唐開元初敕寒食

上墓祭或始於此又案太平寰宇記洺州風俗引
隋圖經云今趙氏數百家每有祭祀別設位以祭公
孫杵臼及程嬰二氏歷代相傳號曰祀客今之風俗
久無此祭云

時令

春正月元旦長幼夙興天地祖先前焚香設供燃爆竹
照倫序拜尊長畢食餃餌親友交相賀歲數日乃罷

參縣志

立春日民間喫春餅蘿蔔曰敲春小兒鑽土牛云能稀

豆以勾芒神鞋占晴雨

同上

人日凡正月之日一雞二狗三豕四羊五馬六牛七人
八穀其占晴爲祥陰爲災俗煎餅食於庭中謂之薰天

遼史參縣志案北齊書魏收傳晉董
勛答問禮俗作五日爲牛六日爲馬

十五日曰上元廟宇設席棚盛張燈彩街衢懸燈翦綵
作春聯飄搖空際十三日謂之試燈十七日謂之殘燈
上元夕祀祖先祀神以麵爲小燈遍置門竈廚牖間曰
散燈又以江米作丸食之曰元宵門首挂燈燃爆竹放
花礮爲樂間有龍獅各燈遊船太平車各雜技遊戲十
六日男婦走觀曰走百病

舊志暨縣
志參採訪

二月二日俗呼爲龍擡頭土人以水和麵如粥置油於

釜熟食之名曰煎餅薰蝎兒童郊外放紙鳶二十五日
早晨庭中用灰作圈中置五穀少許或置錢數枚沿村
爆竹相聞名曰打囤清威二縣時有之

三月三日男女上山進香名曰朝西頂絡繹於途數日
不絕

清明日具酒醴香楮赴壟祭奠名曰上墳又插柳枝於
門以順節氣

夏五月端陽門插艾兒帶五色綵索塗雄黃於髮際耳
鼻帶香囊於項下親友餽角黍飲雄黃菖蒲酒嫁女之
家餽加竹枕涼蓆等物

六月六日爆書畫衣服

七月七日兒女設瓜果於庭前穿鍼乞巧

十五日農人挂紙錢田畔謂之挂地頭錢上墳祭埽采

麻穀供祖先蒸麵羊餽外孫曰送羊

蓋取羊羔跪乳之意教以孝也

八月中秋餽月餅西瓜及諸果晚置酒庭中對月飲之

曰賞月一曰圓月女歸甯是日必返其夫家曰團圓節

九月九日用棗蒸麵糕曰花糕親友相邀登高賞菊

十月朔日祭墳墓

冬至日行釋菜 先師禮懸像或設主師生以次肅拜

奠獻畢弟子拜先生窗棗資拜謂之拜冬

十二月八日雜米豆棗果煑粥名曰臘八粥

二十三日以糖劑餅黍糕棗栗胡桃炒豆祀竈君以糟草秣竈君馬謂竈君翌日朝天去白家問一歲事各致祝辭

除夕易門神換桃符貼春聯陳祀儀燃爆竹焚香徹夜
閤家飲宴歡樂曰守歲

俱同上

以上風俗

古方言

慧趙魏之間謂之黠或謂之見

楊子方言一

案廣雅黠鬼慧也今土人呼人之靈黠者曰鬼郭璞

方言注曰今名黠爲鬼觚詩爲鬼爲蜮亦此義

嫵好也凡好而輕者趙魏之間曰姝或曰姝

同上

案廣雅嫵姝好也羸羸容也嫵與羸同字又通作盈
古詩盈盈樓上女謂嫵好也郭璞云姝言姝容也姝
與丰同詩毛傳曰丰豐滿也廣韻丰茸美也今土人
譏女之淫美者曰姝卽古方言之遺廣雅姝好也女
之美者曰姝詩邶風靜女其姝是也士之美者亦曰
姝詩鄘風彼姝者子是也

狀欲也趙曰狀

楊子方言六

案以我所欲强人之從則曰狀今人語猶然說文狀